

დადგენილება #ეპ. 0481-21  
გაფრთხილების სახით ადმინისტრაციული სახდელის  
დადების შესახებ

თბილისი

04 მარტი 2021

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სამართლებრივი უზრუნველყოფის განყოფილების იურისტი -  
ნინელი ბოჭორიშვილი

2. საქმის განხილვის თარიღი: 2021 წლის 04 მარტი

3. ცნობები პირის შესახებ, რომლის მიმართ განიხილება საქმე:

შპს „ალექსანდრა“

მდებარე: იურიდიული მისამართი -- ქ.თბილისი, ნაძალადევის რაიონი, ე.ბეჟანიშვილის ქუჩა #27,  
ბინა #12

საიდენტიფიკაციო კოდი #400282350

ფაქტობრივი ადგილსამყოფელი: ქ.თბილისი, ზაჰესი, პლატინის ქუჩა #3

4. საქმის განხილვისას დადგინდა შემდეგი გარემოებები:

მიმდინარე წლის 24 თებერვალს დაბა ზაჰესში, პლატინის ქუჩა #3-ში შემოწმდა აბონენტ  
#4710008141 შპს „ალექსანდრას“ აღრიცხვის კვანძი. შემოწმებისას აღმოჩნდა, რომ დავალიანების გამო  
02 დეკემბერს გათიშული (გათიშვის ჩვენება 193243) აბონენტი თვითნებურად იყო ჩართული ქსელში  
და მოიხმარდა ელ.ენერგიას. აღნიშნული ქმედება სემეკის 25.09.15წლის #28 დადგენილებით, (18.09.08

სს „ენერგო-პრო ჯორჯია“

#20 დადგენილებაში შესული ცვლილებით), რომელიც ძალაში შევიდა 02.10.15-დან, ითვლება ადმინისტრაციულ სამართალდარღვევად. ადგილი ჰქონდა აბონენტის მიერ თვითნებურად ქსელში ჩართვას, რაც დასტურდება მრიცხველზე დაფიქსირებული ჩვენებების ცვლილებით, წინ სვლით, (ჩვენება 195738,3). სამართალდარღვევის ოქმს ას#009077 ხელი მოაწერა შპს „ალექსანდრას“ წარმომადგენელმა, დირექტორმა-ჯაბა შინიძემ (პ/ნ01027065067), რომელმაც აღიარა სამართალდარღვევის ჩადენის ფაქტი და აღნიშნა, რომ მსგავს ფაქტს ადგილი აღარ ექნება. შპს „ალექსანდრას“ მიერ ელექტროენერჯის მოხმარება აღრიცხვის წესების დარღვევით - (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2021 წლის 02 მარტს ელექტრონულად გამოგზავნილი ინფორმაციით. საქმეში წარმოდგენილია 24.02.2021-ში შედგენილი აღრიცხვის კვანძის შემოწმება-მიღების აქტი #748210, რომლითაც ასევე დასტურდება აბონენტის მიერ ელექტროენერჯის მოხმარება აღრიცხვის წესების დარღვევით. წარმოდგენილია ასევე ფაქტის ამსახველი ფოტო მასალა. საქმეში დევს დადასტურება, რომ შპს „ალექსანდრას“ ეცნობა საქმის განხილვის დროისა და ადგილის თაობაზე. სხდომაზე არ გამოცხადდა შპს „ალექსანდრას“ წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდარღვევს არანაირი განცხადებით არ მოუმართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ფოტო მასალა; შეტყობინება, აბონენტის ბარათი.), რომელთა მეშვეობითაც დგინდება შპს „ალექსანდრას“ მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერჯის მოხმარება აღრიცხვის წერების დარღვევით. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სემეკის 12.08.10 #14 და 18.09.08 #20 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, 17.12.20 or #2020042 ბრძანებით და



დავადგინე:

6. შპს „ალექსანდრა“ (ს/კ 400282350) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:  
ნინელი ბოჭორიშვილი

